

MEWN

PARTNERIAETH

Cylchgrawm

Rhifyn y Gwanwyn, 2016

Newydd: TRAC

System Recriwtio TRAC
newydd ar gyfer GIG
Cymru

 **trac**.systems

RECRUITMENT
QUALIFICATION
MISSION
APPLICATION
Benefits
Bonus



GIG
CYMRU
NHS
WALES

Partneriaeth
Cydwasaethau
Shared Services
Partnership

Tabl Cynnwys

Tudalen

2

04

Newydd: TRAC

System Recriwtio TRAC newydd ar gyfer GIG Cymru

06

Points of Light

Prif Weinidog y DU yn anrhydeddu gweithiwr Partneriaeth Cydwasanaethau GIG Cymru am sefydlu rhwydweithiau cymorth a rhaglenni adsefydlu

07

Y Gwasanaethau Caffael

wedi'u Henwebu yn Rownd Derfynol Gwobrau Caffael Cenedlaethol y Llywodraeth

08

O'r Pridd i'r Plat

Creu Busnes ar gyfer ein Sector Cig a Llaeth

10

Partneriaeth Cydwasanaethau GIG Cymru Trefnu

Cynhadledd Genedlaethol gyntaf ar gyfer Gweithwyr Cymorth Gofal Iechyd

11

Partneriaeth Cydwasanaethau GIG Cymru – WEDS

Cwrs Newydd Arloesol Datblygu Cefnogaeth

12

PC GIG Cymru -Gwasanaethau Cyfreithiol a Risg

yn Cynnal Ffug achos Llŷs ar gyfer Ysgol Uwchradd yng Nghaerdydd

13

Datgan y Nifer Uchaf Erioed

o Eitemau Presgripsiwn ar gyfer Rhagfyr 2015

13

Gwasanaethau Gofal Sylfaenol

yn helpu i Godi Arian i elusen 'Hands for Alan'

14

Unwaith i Gymru

Cydweithrediad yn y Sector Cyhoeddus yn Parhau

16

Dod i Adnabod chi:

Tony Chatfield- Pennaeth Gweithrediadau, Partneriaeth Cydwasanaethau GIG Cymru - Gwasanaethau Cludwyr Iechyd

17

Sut Mae Eraill yn Gweithio?

Mae Paul yn Dysgu Mwy yn y gogledd

18

Partneriaeth Cydwasanaethau GIG Cymru yn Gweithio gyda'r Gymuned:

y Tîm Bwyd Anfeddygol yn Rhoi Nwyddau i Fanc Bwyd Lleol

19

Y newyddion diweddaraf am Weithredu System Ganolog ar gyfer Hawlio Costau Adleoli ar gyfer Graddau Hyfforddiant Meddygon a Deintyddion

20

Cynllun Integredig Tymor Canolig **Partneriaeth Cydwasanaethau GIG Cymru** 2016-19 - Ychwanegu Gwerth Drwy Bartneriaeth

Croeso i "Mewn Partneriaeth", y Cylchgrawn ar gyfer Ein Staff, Byrddau ac Ymddiriedolaethau Iechyd

Mae'r cyhoeddiad hwn yn ceisio dangos y cynnydd arloesol a chadarnhaol sy'n cael ei wneud gan Bartneriaeth Cydwasaethau GIG Cymru ar ran Byrddau Iechyd ac Ymddiriedolaethau'r GIG ledled Cymru.

Mae rhifyn y gwanwyn hwn yn canolbwyntio ar system recriwtio newydd Trac, sy'n cael ei roi ar waith yn GIG Cymru. Mae'n system newydd, wedi ei anelu at wella a datblygu gweinyddiaeth holl broses recriwtio gan ein Tîm Recriwtio fydd yn gweld manteision enfawr a gwelliannau cadarnhaol sefydliadol yn nghyd destun amser i benodi staff.

Byddwn hefyd yn manylu ar yr e-ddysgu arloesol sydd yn cael ei arwain gan Weithlu Gwybodaeth Systemau (WfIS) sef y tîm sydd wedi cael ei ddatblygu a'i fabwysiadu ar y cyd gydag Awdurdodau Lleol Cymru a Llywodraeth Leol. Bydd y platfform hwn yn y pen draw o fudd i sefydliadau o ran costau ac yn caniatáu datblygiad pellach o adnoddau cyd-ddysgu ar draws Cymru.

Hefyd yn y rhifyn hwn, rydym yn tynnu sylw at y Gynhadledd gyntaf erioed a gynhaliwyd i arddangos Fframwaith Sgiliau ar gyfer Gweithwyr Cymorth Gofal Iechyd yn GIG Cymru. Fe'i datblygwyd gan Bartneriaeth Cydwasaethau GIG Cymru mewn partneriaeth gyda partneriaeth GIG Cymru a sefydliadau partneriaethol; mae'r Fframwaith yn darparu safonau hyfforddi newydd a chryfach ar gyfer Gweithwyr Cymorth Gofal Iechyd yng Nghymru.

Rwyf hefyd yn falch o gyhoeddi bod ein Cynllun Integredig Tymor Canolig (IMTP) 2016-19 wedi cael ei gymeradwyo gan y Pwyllgor Partneriaeth Cydwasaethau a'r Uwch Dîm Rheoli ac wedi ei gyflwyno i Lywodraeth Cymru.

Mae'r IMTP yn disgrifio pwy ydym ni, y cynnydd a wnaethpwyd yn ystod y 12 mis diwethaf a beth rydym yn bwriadu ei gyflawni dros y tair blynedd nesaf. Mae'n ddogfen bwysig iawn ac yn ein helpu i adeiladu ar 2014/15 a oedd yn flwyddyn o gynnydd aruthrol, heriol ac o newid i BC GIG Cymru a bydd yn cael ei gyhoeddi cyn bo hir.

Neil Frow,
Rheolwr Gyfarwyddwr



Newydd: TRAC

System Recriwtio TRAC newydd ar gyfer GIG Cymru

4

Experience

Skill

INTERVIEW

Talent

 trac.systems

Mae system recriwtio newydd, a elwir yn Trac, wrthi'n cael ei roi ar waith o fewn GIG Cymru. Mae'n brosiect mawr a gaiff ei arwain gan Wasanaeth Recriwtio Partneriaeth Cydwasanaethau GIG Cymru.

Mae'r system eisoes yn cael ei defnyddio mewn mwy na 60 o Ymddiriedolaethau yn GIG Lloegr, ac mae pob un ohonynt wedi gweld buddiannau enfawr a gwelliannau cadarnhaol wrth benodi staff newydd. Cafodd y system hon ei datblygu'n arbennig i ddiwallu anghenion sefydliadau GIG.

Mae system Trac yn system ryngwyneb, sy'n gysylltiedig ag NHS Jobs, y Cofnod Staff Electronig a'r Gwasanaeth Datgelu a Gwahardd.

Er y bydd ymgeiswyr yn parhau i wneud cais drwy system NHS Jobs, caiff yr holl waith prosesu, o'r swydd wag gychwynnol, drwy'r camau llunio rhestr fer, recriwtio a phenodi, ei reoli drwy'r system Trac.

Candidates



GIG
CYMRU
NHS
WALES

Partneriaeth
Cydwasanaethau
Shared Services
Partnership

Newydd: TRAC

System Recriwtio TRAC newydd ar gyfer GIG Cymru

Buddiannau Allweddol y System

Mae buddiannau allweddol y system yn cynnwys:

- Proses gymeradwyo swyddi gwag fewnol
- Trywydd olrhain gweledol o'r dechrau i'r diwedd
- Swyddogaeth cyfeirio drwy fwrdd swyddi sefydliadol
- Cyhoeddi hysbysebion i fyrddau swyddi eraill yn awtomataidd er mwyn dosbarthu'r wybodaeth yn well
- Canolfannau cyfathrebu penodol ar gyfer y swydd wag a'r ymgeisydd sy'n gallu anfon a derbyn negeseuon e-bost a thestun
- Proses wirio cyn cyflogi drylwyr, proses wirio manylion gan reolwyr, system trefnu apwyntiad
- Negeseuon templed penodol ar gyfer cyflogwr
- Y Cofnod Staff Electronig a'r Gwasanaeth Datgelu a Gwahardd electronig wedi'u hintegreiddio'n llawn, gan gynnwys ymgorffori diweddariadau i'r Gwasanaeth Iechyd Galwedigaethol. Dewis o ddwy system, gan gynnwys y broses hunanardystio gyda llif gwaith integredig.
- Ffrwd awtomatig er mwyn hysbysebu ar LinkedIn ar gyfer pob hysbyseb swydd Band 5+.

Dywedodd Evelyn Frank (Pennaeth Recriwtio Cyffredinol):

"Ar ôl gweld Trac yn cael ei ddefnyddio ledled GIG Lloegr, rwy'n falch y byddwn yn cyflwyno'r system newydd er mwyn recriwtio yng Nghymru. Mae hwn wir yn gyfnod cyffrous iawn i'r tîm recriwtio a'r Rheolwyr. Bydd y broses yn sicrhau buddiannau enfawr i holl sefydliadau GIG Cymru gan y bydd yn lleihau amseroedd aros recriwtio yn sylweddol".

Paul Thomas - (Cyfarwyddwr Gwasanaethau Cyflogaeth Partneriaeth Cydwasanaethau GIG Cymru):

"Mae penodi staff i swyddi yn ddiogel ond yn gyflym ar adegau lle mae galw enfawr wedi bod yn her fawr i dîm Recriwtio Partneriaeth Cydwasanaethau GIG Cymru, ond, edrychwn ymlaen at weld potensial Trac i ddarparu'r adnoddau sydd eu hangen ar y tîm i reoli'r llwybr recriwtio yn rhagweithiol o'r dechrau i'r diwedd, am y tro cyntaf, a helpu Rheolwyr Penodi i benodi staff i swyddi heb oedi y gellir ei osgoi".

Points of Light Prif Weinidog y DU yn anrhydeddu gweithiwr Partneriaeth Cydwasanaethau GIG Cymru am sefydlu rhwydweithiau cymorth a rhaglenni adsefydlu

6

Yn ddiweddar, cafodd Nigel Williams o Wasanaethau Caffael Partneriaeth Cydwasanaethau GIG Cymru, ei anrhydeddu gan Brif Weinidog y DU, David Cameron, fel rhan o gynllun 'Points of Light' y Llywodraeth am ei waith gwyth wrth sefydlu rhaglenni ar gyfer y gymuned fyddar. Cafodd ei ysbrydoli i helpu oedolion â nam ar eu clyw a'u teuluoedd ar ôl mynd yn fyddar pan oedd yn 16 oed, oherwydd llid yr ymennydd. Roedd Nigel o'r farn bod modd gwneud mwy i helpu'r rheini sydd â nam ar eu clyw, ac roedd yn awyddus i ddefnyddio ei brofiad personol i helpu oedolion i ymdopi â cholli eu clyw.

Nigel yw Cadeirydd presennol Hearing Link, elusen flaenllaw yn y DU sydd wedi'i theilwra yn arbennig er mwyn helpu oedolion a'u teuluoedd i ymdopi yn emosiynol ac yn ymarferol drwy rwydwaith cymorth o wirfoddolwyr.

Mae Nigel wedi gwirfoddoli gyda Hearing Link am fwy na 12 mlynedd ac, o dan ei arweiniad fel Cadeirydd, mae'r elusen wedi tyfu ac wedi datblygu ffyrdd o helpu pawb sy'n dibynnu arni.

Mae Hearing Link yn cynnig amrywiaeth eang o wasanaethau, gan gynnwys Rhaglen Hunanreoli, Rhaglen Adsefydlu am wythnos, lle gall cyfranwyr gael cymorth ymarferol i ymdopi â nam ar eu clyw gan wirfoddolwyr sydd â phrofiad tebyg. Yn ogystal â'r rhaglenni hyn, mae Hearing Link yn darparu sesiynau un i un cymunedol a fforwm ar-lein gyda chymorth gwirfoddolwyr.

Nigel Williams: Enillydd gwobr 'Points of Light' uchel ei bri a roddir gan y Prif Weinid



Mae gwaith Nigel wedi golygu bod llawer o ddefnyddwyr yr elusen wedi penderfynu dod yn wirfoddolwyr eu hunain, ac yn rhoi rhywbeth yn ôl i eraill. Mae Nigel hefyd yn Gadeirydd y gymdeithas sy'n cynrychioli pobl sy'n dibynnu ar fewnblaniadau yn y cochlea, sef dyfeisiadau electronig sy'n gweithio yn lle'r darn o'r glust fewnol sydd wedi'i niweidio, gan alluogi pobl i glywed.

Dywedodd Nigel Williams:

"Rwyf wedi synnu ac yn falch iawn o dderbyn y wobr hon, ac rwy'n gobeithio y bydd yn ysbrydoli pawb sy'n ymdopi â nam ar eu clyw, sydd yn aml yn effeithio ar lawer may na'ch gallu i glywed. Mae canlyniadau colli clyw yn aml yn effeithio ar hyder a hunanhyder unigolyn, a thrwy gael cymorth ymarferol gan bobl sy'n byw gyda nam ar eu clyw eu hunain, mae modd i bobl weld nad oes angen i hyn eu rhwystro rhag byw bywyd llawn a bodlon. Mae'n ffraind gweithio gyda sefydliad fel Hearing Link ac rwy'n ddiolchgar i bawb sy'n

cymryd rhan ac sydd wedi rhoi cymaint o gymorth i eraill".

Dywedodd y Prif Weinidog, David Cameron:

"Drwy ddwyn ynghyd ddwy o'r elusennau mwyaf sy'n gweithio gydag oedolion byddar yn y DU, mae Nigel wedi gwneud gwahaniaeth enfawr i'r gwasanaethau a'r cymorth sydd ar gael iddynt. Mae hefyd wedi chwarae rhan bwysig yn y gwaith o sicrhau bod y canllawiau a roddir i'r GIG ar gyfer trin oedolion byddar yn darparu'r safon uchaf o ofal. Rwy'n falch o gydnabod Nigel fel enillydd y 412fed gwobr Point of Light".



Y Gwasanaethau Caffael

wedi'u Henwebu yn Rownd Derfynol Gwobrau Caffael
Cenedlaethol y Llywodraeth



Yn ddiweddar, cafodd Gwasanaethau Caffael Partneriaeth Cydwasanaethau GIG Cymru eu henwebu yn rownd derfynol categori Gwobr Menter y Flwyddyn a chategori Gwobr Arloesedd neu Fenter y Flwyddyn yng Ngwobrau Rhagoriaeth mewn Caffael Cyhoeddus Cyfleoedd y Llywodraeth Cenedlaethol 2016/17. Cafodd y Gwasanaethau Caffael eu rhoi ar y rhestr fer am eu gwaith o gyflwyno rhagor o gadwyni cyflenwi mwy cynaliadwy, diogelu'r amgylchedd a bioamrywiaeth yn ogystal â'r economi leol. Eu datganiad mwyaf arwyddocaol oedd llofnodi'r Addewid Pysgod Dinasoedd Cynaliadwy Cenedlaethol, ond mae eu gwaith hefyd wedi cynnwys cynhyrchion organig a chynhyrchion sy'n sicrhau lles gwell i anifeiliaid ar gontractau Cymru gyfan. Roedd lefel y gystadleuaeth yn uwch nag erioed ar gyfer y gwobrau eleni, gyda nifer o sefydliadau proffil uchel o bob cwr o'r DU yn rhoi cynnig arni. Cafodd y Gwasanaethau Caffael eu henwebu yn y rownd derfynol oherwydd eu gweithgarwch caffael rhagorol.



Nododd Jessica Bearman, Prif Dietegydd - Gwasanaethau Caffael Partneriaeth Cydwasanaethau GIG Cymru:

"Cawsom ein henwebu fel cydnabyddiaeth o'n hymrwymiad i fynd i'r afael â'r effeithiau amgylcheddol, economaidd-gymdeithasol ac iechyd o ran caffael bwyd, sy'n arddangos dull gweithredu rhagweithiol Partneriaeth Cydwasanaethau GIG Cymru o ran cefnogi llesiant cenedlaethau'r dyfodol".

Dywedodd Mark Roscrow, Cyfarwyddwr Gwasanaethau Caffael Partneriaeth Cydwasanaethau GIG Cymru:

"Rwyf wrth fy modd fod Partneriaeth Cydwasanaethau GIG Cymru ar y rhestr fer mewn dau gategori unwaith eto, ac mae hyn yn parhau â

thraddodiad hir o lwyddo yn y gwobrau clodwiw hyn. Mae'n deyrnged i'r dull gweithredu cydlynol a ddefnyddiwyd, a'r gydnabyddiaeth sy'n bodoli o bwysigrwydd bwydo cleifion pan fyddant yn derbyn gofal o fewn GIG Cymru yn gyffredinol. Mae Cymru ar flaen y gad o ran y gwaith hwn ledled y DU ac mae'n wych bod y gwaith hwn yn cael cydnabyddiaeth haeddiannol".

Mewn cydweithrediad ag Uned Gomisiynu Gydweithredol Genedlaethol GIG Cymru, mae'r Gwasanaethau Caffael hefyd wedi'u henwebu am Wobr Arloesedd neu Fenter y Flwyddyn o ran Caffael Cyfleoedd y Llywodraeth - Gofal Iechyd. Mae'r prosiect a gyflawnwyd yn ymwneud â sefydlu Cytundeb Fframwaith i ddarparu Gwasanaethau Iechyd Meddwl Plant a'r Glasoed. Roedd y broses hon yn cynnwys creu system gydlynol, ddiogel a strwythuredig ar gyfer un o'r carfannau o gleifion mwyaf agored i niwed. Cafodd y cytundeb hwn ei ddatblygu yn seiliedig ar yr hyn a ddysgwyd yn dilyn llwyddiant gyda charfan debyg o gleifion Iechyd Meddwl Oedolion.

Dywedodd Nic Cowley, Pennaeth Cyrchu ar gyfer Nwyddau Comisiynu - Gwasanaethau Caffael Partneriaeth Cydwasanaethau GIG Cymru:

"Mae cytundeb y Gwasanaethau Iechyd Meddwl Plant a'r Glasoed sydd ar waith gennym yn cysoni'r ffordd y mae'r cleifion mwyaf agored i niwed o fewn y system yn cael eu trin. Bellach, mae gennym sefydlogrwydd a dulliau rheoli a mesur yn y maes hwn am y tro cyntaf, yn hytrach na'r trefniadau ad-hoc, dryslyd a gafwyd yn y gorffennol. Mae'r enwebiad yn haeddiannol iawn".

O'r Pridd i'r Plat

Creu Busnes ar gyfer ein Sector Cig a Llaeth

8



Mae sector cig a llaeth ffyniannus yng Nghymru, sy'n cyfrannu'n sylweddol at yr economi yma. Gyda hyn mewn golwg, roedd Gwasanaethau Caffael Partneriaeth Cydwasanaethau GIG Cymru yn awyddus i gwrdd â'r holl wahanol bobl a busnesau sy'n rhan o'r gadwyn gyflenwi hon; o ffermwyr, gwneuthurwyr a dosbarthwyr er mwyn amlygu'r cyfleoedd i ddarparu cyflenwad i bob ysbyty yng Nghymru yn y dyfodol.

Ar ddiwedd mis Ionawr, llwyddodd yr is-adran i gwrdd â thros 50 o gyflenwyr yn eu digwyddiad ymgysylltu â chyflenwyr yn y canolbarth, a gynhaliwyd yn Llandrindod.

Cyflwyno'r cefndir

Am y tro cyntaf, y Gwasanaethau Caffael oedd yn gyfrifol am gynllunio, trefnu a hysbysebu'r diwrnod. Rhoddwyd gwahoddiad agored ar wefannau Partneriaeth Cydwasanaethau GIG Cymru a GwerthwchiGymru a oedd yn ddolen i'r Hysbysiadau Gwybodaeth Ymlaen Llaw ar gyfer contractau Cig a Llaeth arfaethedig, ac fe'u dosbarthwyd drwy e-bost i amrywiaeth o rwydweithiau (cyfeirlyfrau bwyd, taflenni gwybodaeth am gynaliadwyedd, rhestrau postio ac ati).

Ymddangosodd yr hysbyseb ar lwyfannau cyfryngau cymdeithasol, gan gynnwys Twitter a LinkedIn. Cafodd holiadur ymlaen llaw ei ddylunio hefyd er mwyn casglu gwybodaeth am fathau o fusnesau a diddordeb cyn y diwrnod. Cafodd hyn ei ddefnyddio i lywio cynnwys y cyflwyniadau a'r gweithdai rhyngweithiol, a oedd yn nodwedd newydd ac arloesol yn y digwyddiad hwn.



O'r Pridd i'r Plat

Creu Busnes ar gyfer ein Sector Cig a Llaeth



9

Yr agenda

Yn gyntaf, rhoddwyd trosolwg o'r Gwasanaethau Caffael, Byrddau Iechyd yng Nghymru ac arlwy'r GIG a ffactorau ysgogi polisi megis Deddf Llesiant Cenedlaethau'r Dyfodol.

Wedyn, rhoddwyd manylion am y contractau arfaethedig (cynnyrch, meintiau, manyleb), cyflwyniad i'r broses dendro a sut i dendro, yn ogystal â'r cymorth sydd ar gael gan sefydliadau partner.

Cynhaliwyd y gweithdai mewn tri slot amser un ar ôl y llall, ac roedd tua wyth cyflenwr yn bresennol bob amser er mwyn trafod yn fanylach am y meysydd canlynol;

- Agweddau economaidd-gymdeithasol, amgylcheddol ac iechyd ar y sector - prif hwylusydd: Jessica Bearman, gyda chymorth Matthew Harrhy
- Logisteg tendro a chyflenwi - prif hwylusydd: Romano Provini gyda chymorth Caroline Gwilym ac Ellie Pinnell.



Roedd y gweithdai yn gyfle i roi eglurhad pellach am ofynion y contract a'r cymorth sydd ar gael i wneud tendr, yn ogystal â chael trafodaeth werthfawr ar strwythur y sector cig a llaeth yng Nghymru a sicrwydd ansawdd o fewn y gadwyn gyflenwi. Rhoddodd hyn gryn dipyn i gnoi cil arno er mwyn llywio ein dull sgorio tendrau, ein strategaeth ddyrannu a'n manylebau contractau.



Y canlyniad

Cafwyd adborth cadarnhaol iawn am y digwyddiad, a hynny gan aelodau'r tîm, cyflenwyr a'n partneriaid drwy'r cyfryngu cymdeithasol:

Dywedodd Swyddog Categori Partneriaeth Cydwasanaethau GIG Cymru:

"Roedd y cysyniad o gael gweithdy yn y digwyddiad ymgysylltu yn brofiad newydd i mi, ac roedd cymysgedd dda o gynhyrchwyr, cyfanwerthwyr a dosbarthwyr yn bresennol. Y rhan hwn o'r digwyddiad oedd yn cynnwys y rhan fwyaf o wybodaeth o ran archwilio a deall rhai o'r problemau/ pryderon sydd gan ddarpar-ymgeiswyr o ran y broses dendro, a'r rhwystrau sy'n eu hwynebu o ran amodau'r farchnad, e.e.: 'prisiau sefydlog' - marchnad ansicr".

Partneriaeth Cydwasanaethau GIG Cymru Trefnu

Cynhadledd Genedlaethol gyntaf ar gyfer Gweithwyr Cymorth Gofal Iechyd

10



Bu mwy na 250 o gynadleddwyr yng Nghynhadledd Genedlaethol GIG Cymru ar gyfer Gweithwyr Cymorth Gofal Iechyd, y cyntaf o'i math, a gynhaliwyd ar 22 Chwefror yn Neuadd y Ddinas, Caerdydd. Mae hyn yn dilyn y datganiad Gweinidogol diweddar y bydd staff cymorth gofal iechyd yn cydymffurfio â chyfres o safonau datblygu proffesiynol gofynnol newydd.

Roedd y Gynhadledd yn gyfle i arddangos y Fframwaith Gyrfaedd a Sgiliau newydd i GIG Cymru. Cafodd y Gynhadledd ei chyflwyno gan siaradwyr gwadd o bob proffesiwn iechyd, a fu'n tynnu sylw at y Fframwaith arloesol drwy nifer o gyflwyniadau a gweithdai rhyngweithiol.

Cafodd y Fframwaith Gweithwyr Cymorth Gofal Iechyd newydd ei lunio gan dîm Gwasanaethau Gweithlu, Addysg a Datblygu GIG Cymru, mewn partneriaeth â GIG Cymru ac eraill, ac mae'n darparu safonau hyfforddi newydd, mwy cadarn, ar gyfer Gweithwyr Cymorth Gofal Iechyd yng Nghymru.

Mae Gweithwyr Cymorth Iechyd yng Nghymru yn rhan sylweddol a phwysig iawn o'r GIG modern, ac maent yn cyfrif am tuag 40% o gyfanswm y gweithlu yma yng Nghymru. Maent yn gweithio ym mhob lleoliad iechyd, gan gynnwys ysbytai, meddygfeydd a chartrefi cleifion.

Dywedodd Pip Ford - Y Rheolwr Materion Cyhoeddus a Pholisi ar gyfer Cymdeithas Siartredig Ffisiotherapi, a Chadeirydd y Gynhadledd:

"Mae'r digwyddiad hwn yn gyfle gwych i weithwyr cymorth gofal iechyd clinigol ddysgu mwy am y Fframwaith Gyrfaedd a Sgiliau, a bydd hyn yn eu helpu i ennill cydnabyddiaeth am eu gwybodaeth a'u sgiliau presennol, yn ogystal â rhoi cyfle iddynt ddatblygu ymhellach.

Bydd gweithwyr cymorth yn canfod pa gymorth sydd ar gael iddynt yn ystod eu gyrfaedd ac yn dod i ddeall y bydd y Fframwaith yn eu helpu i roi sicrwydd i gleifion a'r cyhoedd, tra'n bodloni gofynion clir eu cyflogwyr ar yr un pryd".

Cafodd hyn ei ategu gan Dr Jean White - Prif Swyddog Nyrsio / Cyfarwyddwr Nyrsio Cymru, Llywodraeth Cymru, a fu'n pwysleisio pwysigrwydd y Fframwaith Gyrfaedd newydd:

"Mae'r gwaith o ddatblygu Fframwaith Sgiliau a Gyrfaedd y GIG ar gyfer gweithwyr cymorth gofal iechyd yn garreg filltir bwysig am ei fod yn amlinellu'r dewisiadau o ran llwybrau hyfforddiant a gyrfa ar gyfer rhan hanfodol o'r gweithlu iechyd. Mae gweithwyr cymorth gofal iechyd yn aelodau gwerthfawr ac integredig o'r timau clinigol, a bydd y Fframwaith yn sicrhau eu bod yn cael cymorth i ddatblygu'r wybodaeth a'r sgiliau sydd eu hangen i ddarparu gofal cymwys a thrugarog sy'n canolbwyntio ar yr unigolyn".

Dywedodd Stephen Griffiths - Cyfarwyddwr y Gwasanaethau Gweithlu, Addysg a Datblygu:

"Yn hanesyddol, ychydig iawn o fuddsoddi sydd wedi bod yn hyfforddiant a datblygiad Gweithwyr Cymorth Gofal Iechyd, er eu bod yn darparu'r rhan helaeth ofal uniongyrchol a phersonol i gleifion. Rydym bellach yn falch o ddweud bod pob un o'n gwasanaethau yn datblygu Gweithwyr Cymorth Gofal Iechyd drwy'r Fframwaith Gyrfaedd, a gall staff ddatblygu amrywiaeth o sgiliau ar y lefel gywir er mwyn eu helpu i ddarparu'r gofal gorau a mwyaf amserol posibl".

Partneriaeth Cydwasanaethau GIG Cymru – WEDS

Cwrs Newydd Arloesol Datblygu Cefnogaeth



11

Cafodd cwrs arloesol newydd sydd â'r nod o helpu i safoni'r gofal a ddarperir gan ymarferwyr nyrsio brys ac ymarferwyr parafeddygol brys ei lansio yn Ysbyty Cefn Coed, Abertawe, heddiw.

Roedd nyrsys brys sy'n gweithio mewn adrannau brys ac unedau mân anafiadau ledled De Cymru yn bresennol yn sesiwn gyntaf y cwrs, a gynhelir gan Fwrdd Iechyd Prifysgol Abertawe Bro Morgannwg, a fydd yn eu cynorthwyo i weithio tuag at y Diploma Lefel 7 newydd mewn Rheoli Mân Anafiadau yn Ymreolaethol (Cymru) FfCCh.

Dyma'r cymhwyster cyntaf o'i fath yn y DU ac yn ôl Judith Mogan, nyrs ymgynghorol yn uned Mân Anafiadau Ysbyty Castell-nedd Port Talbot, mae'n ffordd hyblyg a chost effeithiol o sicrhau cysondeb o ran safonau ym mhob Adran Achosion Brys ac Uned Mân Anafiadau yng Nghymru.

Judith Morgan oedd cadeirydd y Grŵp Gorchwyl a Gorffen Ymarferwyr Brys a sefydlwyd gan Wasanaethau Gweithlu,

Addysg a Datblygu Partneriaeth Cydwasanaethau GIG Cymru, pan ddechreuwyd llunio'r cymhwyster dros flwyddyn yn ôl.

Dywedodd: "Rwy'n falch y gallwn gynnig y diploma hwn, sy'n diffinio Cwmpas Ymarfer ar gyfer ymarferwyr nyrsio brys ac ymarferwyr parafeddygol brys, a'r mathau o anafiadau y gellir eu gweld mewn unedau mân anafiadau dan arweiniad nyrsys. "Bydd yn galluogi clinigwyr i gydweithio, gan ddefnyddio adnoddau sy'n bodoli eisoes, a bydd yn pwysleisio pwysigrwydd gwaith rheoli cefnogol.

"Hefyd, ar hyn o bryd, nid oes gweithlu dros dro, megis banc nyrsio, ar gael ar gyfer ymarferwyr nyrsio brys, felly byddai ennill y cymhwyster hwn yn golygu bod eu sgiliau yn fwy trosglwyddadwy. Mae hefyd yn ffordd dda i gydweithwyr arddangos datblygiad proffesiynol parhaus, a gellir ei gynnal ar gyfer niferoedd bach o staff yn ôl yr angen."

Mae'r rhaglen 20 diwrnod wedi'i hachredu gan Agored Cymru a chafodd ei datblygu gyda chymorth y Gwasanaethau Gweithlu, Addysg a Datblygu, sy'n helpu staff gofal iechyd yng

Nghymru i wella eu sgiliau a'u gallu. Cafodd y cwrs ymateb cadarnhaol gan y rheini sydd wedi cofrestru i astudio ar gyfer y diploma.

Dywedodd un nyrs frys: "Mae'n hen bryd i ni gael cymhwyster cydnabyddedig ar gyfer ymarferwyr nyrsio brys sy'n cael ei gydnabod ledled Cymru a ledled y DU. Fe'i croesewir yn fawr. Mae'n dangos gwaith llywodraethu da ar ran GIG Cymru ac yn sicrhau ein bod yn cael yr un lefel o hyfforddiant, yn hytrach na chysiau tameidiog."

Dywedodd un arall: "Roeddem yn awyddus i gymryd rhan am y bydd hyn, yn y pen draw, yn helpu gyda llif cleifion mewn Unedau Mân Anafiadau ac yn gwella boddhad cleifion, sydd yn amlwg yn beth da".

Caiff y sesiynau nesaf ar gyfer y cwrs, sy'n agored i barafeddygon yn ogystal â nyrsys mewn adrannau brys, eu cynnal mewn lleoliadau yn y de, a bydd yn canolbwyntio ar agweddau gwahanol ar ofal, gan gynnwys agweddau cyhyrsgerberbydol a phlant a phobl ifanc.

PC GIG Cymru -Gwasanaethau Cyfreithiol a Risg yn Cynnal Ffug achos Llys ar gyfer Ysgol Uwchradd yng Nghaerdydd

12



Yn ddiweddar, bu'r Gwasanaethau Cyfreithiol a Risg yn croesawu disgyblion o Ysgol Uwchradd Esgob Llandaf, ac yn chwarae rhan beirniaid ac aelodau'r rheithgor ar gyfer cystadleuaeth ffug achos llys yr oedd yr ysgol yn cymryd rhan ynddi.

Gwnaeth y cyfreithwyr Sarah Watt a John Hatton helpu'r myfyrwyr i baratoi ar gyfer y gystadleuaeth a chynhaliwyd yr achosion llys yn Nhŷ'r Cwmniau, Caerdydd, er mwyn ymarfer at y gystadleuaeth.

Chwaraeodd y cyfreithwyr Rhian Griffith ac Alison Walcot ran y beirniaid a'r rheithgorau Cyfreithiol a Risg, a oedd yn cynnwys trafodaethau bywiog cyn rhoi rheithfarnau di-euog ar gyfer y ddau achos.

Roedd yn brofiad gwerthfawr iawn i'r myfyrwyr a gwnaeth y timau Cyfreithiol a Risg fwynhau'r profiad hefyd.



Datgan y **Nifer Uchaf Erioed** o Eitemau Presgripsiwn ar gyfer Rhagfyr 2015

Unwaith eto, mae Partneriaeth Cydwasanaethau GIG Cymru, wedi derbyn datganiadau am y nifer uchaf erioed o eitemau presgripsiwn.

Mae mwy na **7.2 miliwn o eitemau** ar gyfer presgripsiynau a gafodd eu cyflwyno ar gyfer mis Rhagfyr 2015 bellach yn cael eu prosesu.

Mae ymrwymiad a sgiliau'r staff sy'n prosesu'r cyflwyniadau hyn, o ddechrau'r broses hyd at y taliad terfynol, yn dyst i'w gwaith caled.

Torri Record!

13

Gwasanaethau Gofal Sylfaenol yn helpu i Godi Arian i elusen 'Hands for Alan'

Gwnaeth Grŵp Ffocws Staff Gwasanaethau Gofal Sylfaenol Partneriaeth Cydwasanaethau GIG Cymru drefnu raffl ym mis Rhagfyr, a llwyddwyd i godi swm sylweddol o arian i 'Hands for Alan', ymgyrch i godi arian er mwyn darparu dwylo prosthetig i-limb i Alan Gifford, bachgen 9 mlwydd oed o Gasllwchwr, Abertawe, y bu'n rhaid tynnu ei ddwy law ar ôl cael haint yn dilyn llawdriniaeth agored ar ei galon pan oedd yn 3 oed.

'Dros y 9 mis diwethaf, mae 398 o sefydliadau gwahanol wedi codi £37,735 tuag at y £60,000 sydd ei angen ar gyfer y dwylo prosthetig'.

Mae ymgyrch 'Hands for Alan' wedi cydio yn y dychymyg, ac mae wedi cael llawer o sylw yn y cyfryngau o ran codi ymwybyddiaeth a chymorth.



Alan Gifford, 9 oed o Gasllwchwr

Unwaith i Gymru

Cydweithrediad yn y Sector Cyhoeddus yn Parhau

14

Mae Academi Cymru Gyfan ar gyfer Llywodraeth Leol yn llwyfan e-ddysgu a gafodd ei ddatblygu mewn cydweithrediad â'r 22 o Awdurdodau Lleol yng Nghymru, Cymdeithas Llywodraeth Leol Cymru, Cyngres Undebau Llafur Cymru a Sgiliau er Cyfiawnder. Cafodd ei ddatblygu ar y cychwyn drwy Brosiect Ewropeaidd 1 flwyddyn, ac mae bellach wedi'i ariannu gan awdurdodau lleol a CLILC. Caiff cynnwys ei ddatblygu ar y cyd, sy'n sicrhau'r cost-ffeithlonrwydd mwyaf ac yn lleihau achosion o ddyblygu. Mae 35 modiwl ar gael yn Saesneg ac yn Gymraeg ar gyfer staff awdurdodau lleol, cynghorwyr a llywodraethwyr ysgol. Gellir cael gafael arnynt drwy gyfrifiaduron, llechi a ffonau clyfar, felly gall pob aelod o staff, gan gynnwys y rheini sy'n gweithio o bell, gael gafael ar ddysgu o ansawdd uchel mewn ffordd sy'n addas ar gyfer eu ffordd o fyw.

Er mwyn sicrhau'r effeithlonrwydd mwyaf yn ystod cyfnod o gynni cyllidol, mae Academi Cymru Gyfan wedi mynd gam ymhellach o ran cydweithio. O 1 Mawrth 2016, caiff Academi Cymru Gyfan ar gyfer Llywodraeth Leol ei threialu drwy lwyfan e-ddysgu Cymru Gyfan - Learning@NHSWales, a reolir gan dîm Dysgu Drwy Dechnoleg GIG Cymru (y Tîm) o fewn Partneriaeth Cydwasanaethau GIG Cymru (y Bartneriaeth).

Mae'r Tîm wedi cydlynu ac wedi rheoli'r gwaith o gynhyrchu e-ddysgu ym mhob rhan o GIG Cymru yn llwyddiannus ers 2014.



Ar hyn o bryd, mae dros 350 o gyrsiau ar gael i bob defnyddiwr, gan gynnwys gofal sylfaenol, gwaith gwirfoddol a phrifysgolion, ac mae mwy na 150,000 o ddefnyddwyr hyd yma. Caiff pob enghraifft o e-ddysgu ei chynhyrchu ar sail 'unwaith i Gymru' ac at safonau cenedlaethol a gymeradwywyd. Mae GIG Cymru hefyd wedi llwyddo i roi safon ofynnol ar waith ar gyfer hyfforddiant statudol a gofynnol, gan alluogi pobl i drosglwyddo eu hyfforddiant. Hefyd, gall staff sydd newydd gymhwyso gael gafael ar e-ddysgu ar gyfer sefydlu cyn dechrau yn eu swydd.

Dywedodd Neil Frow, Rheolwr-Gyfarwyddwr - Partneriaeth Cydwasanaethau GIG Cymru;

"Rwy'n falch iawn o gynnydd y Tîm a'r ffordd rydym wedi mynd ati i gydweithredu ar sail Cymru gyfan. Mae hyn wedi cael effaith sylweddol ar weithlu'r GIG drwy roi safonau cenedlaethol ar waith, cael gwared ar achosion o ddyblygu a sicrhau bod modd trosglwyddo gwybodaeth a sgiliau. Y cam nesaf yw croesawu'r Academi o 1 Mawrth 2016 ymlaen".

Unwaith i Gymru

Cydweithrediad yn y Sector Cyhoeddus yn Parhau




15



O fis Medi 2016, E-ddysgu GIG Cymru yn unig fydd yn gyfrifol am lwyfan Academi Cymru Gyfan ar gyfer Llywodraeth Leol, a bydd hyn yn arwain at arbedion ariannol pellach ac yn galluogi'r ddau sefydliad sector cyhoeddus mwyaf (Llywodraeth Leol ac Iechyd) i ddatblygu adnoddau dysgu ar y cyd. Mae'r rhan fwyaf o awdurdodau lleol eisoes yn gweithio'n agos gyda'r



GIG. Yn ogystal ag ymateb i ad-drefnu llywodraeth leol, y gobaith yw y bydd yr arloesedd allweddol hwn yn datblygu cydweithrediad yn y sector cyhoeddus gam ymhellach, gan eu gwneud yn haws trosglwyddo rhwng swyddi yn y dyfodol.



Dywedodd y Cyngor Peter Rees, Llefarydd Cyflogadwyedd CLILC:

"Rwy'n falch iawn fod CLILC wedi gallu darparu cymorth sylweddol i brosiect Academi Cymru Gyfan ar gyfer Llywodraeth Leol ers iddo gael ei sefydlu, ac mae'r cynnydd a wnaed hyd yma wedi gwneud argraff arnaf."

"Dyma enghraifft ragorol o gydweithredu a gwaith partneriaeth ar waith, nid yn unig gyda phob awdurdod lleol yng Nghymru, ond hefyd gyda'n cydweithwyr iechyd yn y sector cyhoeddus ehangach, gan arbed miloedd o bunnoedd ar gostau contractau e-ddysgu unigol."

Dod i Adnabod chi:

Tony Chatfield- Pennaeth Gweithrediadau, Partneriaeth Cydwasanaethau GIG Cymru - Gwasanaethau Cludwyr Iechyd

Tony Chatfield yw Pennaeth Gweithrediadau'r Gwasanaeth Cludwyr Iechyd, sy'n is-gwmni Partneriaeth Cydwasanaethau GIG Cymru. Cawsom sgwrs â Tony, a dywedodd ychydig mwy wrthym amdano'i hun a'i rôl yn y Gwasanaeth Cludwyr Iechyd.

Mae Tony'n hanu o Langynidr, Powys, ond mae bellach yn byw ym Mhen-y-bont ar Ogwr gyda'i wraig, Tracey a'i dri phlentyn. Dechreuodd ar ei yrfa yn y GIG pan ymunodd â'r Gwasanaeth Ambiwylans dros 28 mlynedd yn ôl. Yn 1986, ymunodd â Gwasanaeth Ambiwylans De Morgannwg fel rhan o'r cynllun Cadetiaid ambiwylans cyntaf yng Nghymru. Ar ôl gweithio ym meysydd Gwasanaethau Gofal Cleifion a Gwasanaethau Meddygol Brys, fel Technegydd a Pharafeddyg Cofrestredig Gwladol, wedi'i leoli yng Nghaerdydd a Bro Morgannwg, cafodd ei benodi mewn swyddi rheoli.

Ac yntau'n Uwch Reolwr Gweithrediadau/Swyddog Parafeddygol Gwasanaeth Ambiwylans GIG profiadol, mae gan Tony brofiad sylweddol yn y GIG, ac mae wedi bod yn ddigon ffodus i weithio mewn nifer o agweddau ar ddarparu Gweithrediadau'r Gwasanaeth Ambiwylans, fel Rheolwr Rhanbarthol yn ardal Ogwr ar gyfer Bwrdd Iechyd Prifysgol Abertawe Bro Morgannwg; Sir Benfro a Derwen ar gyfer Bwrdd Iechyd Prifysgol Hywel Dda a rhaglenni newid Gwasanaethau GIG gyda'r GIG a Phartneriaid y Sector Cyhoeddus.

Ac yntau wedi gweithio ar raglenni cyfnewid rhyngwladol i Pittsburgh, UDA a Toronto, Canada, mae Tony wedi bod yn ddigon ffodus i weld sut mae pethau'n gweithio yn y sector iechyd y tu allan i'r DU.



Yn 2014, cafodd Tony, sy'n Rheolwr Gweithrediadau profiadol ac yn Gomander Efydd ac Arian hyfforddedig, er ddewis i gyflawni rôl y Comander Arian ar gyfer Cynhadledd NATO 2014, a bu'n gweithredu fel un o uwch reolwyr y GIG oedd yn goruchwyllo'r digwyddiad pwysig hwn ac ymweliad Arlywydd yr UDA ar ran GIG Cymru, gan gydweithio'n agos â'r Gwasanaeth Diogelwch Cenedlaethol a phartneriaid eraill yn y Gwasanaethau Brys.

Mae Tony yn aelod gweithgar o Grŵp Arfer Gorau Trafnidiaeth y Grŵp Cyngori Perfformiad Cenedlaethol (NPAG), sy'n helpu Gwasanaethau Trafnidiaeth y GIG ym mhob rhan o'r GIG yn y DU, ac yn gweithio fel rhan o'r grŵp sy'n goruchwyllo'r gwaith o weithredu Gwasanaeth Trafnidiaeth Patholeg GIG Cymru. Mae ei ddiddordebau personol yn cynnwys Rygbi Saith Bob Ochr, Hanes y Rhyfel Byd Cyntaf a'r Ail Ryfel Byd, Teithio ac mae'n ymweld â Ffrainc yn gyson.

Gwasanaeth Cludwyr Iechyd y GIG:

- Drwy ei ganolfannau didoli post ei hun, mae'r gwasanaeth yn didoli, yn dosbarthu ac yn casglu hyd at 120,000 o ddarnau o bost/nodiadau yr wythnos (6 miliwn y flwyddyn) ar gyfartaledd.
- Caiff yr holl wasanaethau eu cefnogi gan 90 o gerbydau, sy'n amrywio o geir i lorïau 7.5 tonnau.



Tony Chatfield, Pennaeth Gweithrediadau GCI

Sut Mae Eraill yn Gweithio?

Mae Paul yn Dysgu Mwy yn y gogledd

Yn ddiweddar, bu Paul Davies, sy'n Gynorthwy-ydd Gwasanaethau Cwsmer yn Storfa Ranbarthol Dinbych yng Ngogledd Cymru, yn ymweld â Tîm Cadwyn Gyflenwi Bwrdd Iechyd Prifysgol Betsi Cadwaladr yn Ysbyty Glan Clwyd er mwyn cael rhagor o wybodaeth am y ffordd y mae'r Gadwyn Gyflenwi yn gweithio o un pen i'r llall.

Fel rhan o hyn, ysgrifennodd Paul flog i nodi ei brofiadau:

Yn ddiweddar, gwnes wirfoddoli i fynd ar 'Ddiwrnod i Ffwrdd' yn Ysbyty Glan Clwyd, er mwyn gweld beth sy'n digwydd ar ochr arall y broses, unwaith y byddwn wedi dewis a phacio archebion y Bwrdd Iechyd er mwyn eu dosbarthu i ddefnyddwyr gwasanaeth. Fe gyrhaeddys y storfa am 8am lle ces fy nghyflwyno i Anthony Harper (Derbyn a Dosbarthu/Goruchwyliwr Rheoli Deunyddiau) a gweddill y Tîm Derbyn a Dosbarthu/ Rheoli Deunyddiau. Roeddwn yn falch o gwrdd â rhai o'r staff rwy'n siarad â nhw bob dydd fel rhan o'm swydd gyda Gwasanaethau Cwsmer. Wedyn, fe es i Ward 5 gyda dau o'r Weithredwyr y Gadwyn Gyflenwi, Ashley Tomlinson a Luke Cosgrove.

Ar ôl i ni gyrraedd ynddo, gwnaethon nhw ddangos i mi sut i archebu nwyddau o Ddinbych gan ddefnyddio'r cyfarpar llaw Cipio Data yn Awtomatig. Roeddwn yn hoff iawn o'r ffordd yr oedd popeth mewn pentyrrau taclus a threfnus, roedd hyn ei gwneud yn hawdd canfod eitemau er mwyn eu cyfrif a sganio codau bar, fel y dangosir yn y llun ohono i yn cyfrif stoc.

Wedyn, fe symudon ni i'r ward nesaf ar y daith, Ward 7, gan ddefnyddio'r un broses o gyfrif a sganio codau bar. Yn ystod fy nghyfnod ar y wardiau, gwnes achub ar y cyfle i gyflwyno fy hun i Swyddogion Cynnal a Chadw'r wardiau. Roedd yn bleser nodi bod y Swyddogion Cynnal a Chadw yn llawn canmoliaeth am y gwasanaeth a ddarperir gan Storfa Dinbych, ac roedd hefyd yn braf cael adborth cadarnhaol ar lefel personol.

Roedd y Swyddogion Cynnal a Chadw yn canmol Ashley a Luke am eu gwaith ad-drefnu stoc diweddar ac roeddent hefyd yn cydnabod gwaith caled y Tîm Cadwyn Gyflenwi a leolir yng Nglan Clwyd.

Ar ôl cinio, aethom yn ôl i'r Siop, lle gwnaethom lanlwytho archebion Cipio Data yn Awtomatig y bore ar Oracle. Gwnaethom dreulio'r prynhawn yn ail-lenwi'r stoc ar y wardiau, a gafodd ei archebu 48 awr yn gynharach.

Beth wnes i ei ddysgu o'r profiad?

Roedd yn ddiddorol gweld sut mae'r broses gyflawn yn gweithio, o wneud Archeb Cipio Data yn Awtomatig hyd at y ffordd y caiff y stoc ei roi i gadw ar ward. Roeddwn hefyd yn falch o gael cipolwg ar y problemau y mae Timau Cadwyn Gyflenwi Byrddau Iechyd Lleol yn eu hwynebu bob dydd, ac rwy'n gobeithio fy mod wedi gwella fy nealltwriaeth o'r gwasanaeth ehangach ac yn gallu darparu cymorth gwell wrth ddelio â galwadau ffôn Gwasanaeth Cwsmer.

Un o uchafbwyntiau'r diwrnod i mi oedd cwrdd â'r defnyddwyr gwasanaeth rwyf wedi bod yn siarad â nhw dros yw ffôn am nifer o flynyddoedd. Byddwn yn argymhell y cyfle am ei bod yn dda gweld y ffordd y mae'r gwaith rydym yn ei wneud yn Ninbych yn helpu'r Bwrdd Iechyd.



Partneriaeth Cydwasanaethau GIG Cymru yn Gweithio gyda'r Gymuned:

y Tîm Bwyd Anfeddygol yn Rhoi Nwyddau i Fanc Bwyd Lleol



18

Yn ddiweddar, mae'r Tîm Bwyd Anfeddygol (sy'n rhan o Wasanaethau Caffael Partneriaeth Cydwasanaethau GIG Cymru), sydd wedi'u lleoli yn Nhŷ'r Cwmnïau, Caerdydd, wedi bod yn cyflawni gwerthusiadau ar gyfer y tendr 'Nwyddau Pecyn' sydd i ddod.

Mae'r broses yn cynnwys cwmnïau'n gwneud cais am dendr am nwyddau sych, megis pasta a reis. Yn ystod eu cyflwyniadau ar gyfer y contract, caiff nifer o samplau eu cyfrannu er mwyn dangos yr hyn y gall y tîm ei gynnig.

Mae nifer y samplau hyn wedi cynyddu yn ystod 2015 ac roeddent yn cynnwys bwydydd cwpwrdd cyffredinol, megis; cydau te, coffi, byrbrydau, pacedi o gymysgedd tatws, yn ogystal â mynydd o Angel Delight a thuniau ar duniau o ffa pob! Fel rhan o ymdrech cynaliadwyedd barhaus Partneriaeth Cydwasanaethau GIG Cymru, penderfynodd y tîm roi'r holl samplau o fwyd nas defnyddir i Fanc Bwyd Caerdydd - gan arwain

at gyfanswm gwerth 229.9kg o fwyd. Mae Banc Bwyd Caerdydd yn rhan o Elusen Ymddiriedolaeth Trussell ac mae'n gweithio mewn partneriaeth â chymunedau lleol er mwyn rhoi terfyn ar lwgu yn y DU. Mae Banc Bwyd Caerdydd wedi diolch i'r Gwasanaethau Caffael am eu cefnogaeth ac wedi anfon tystysgrif o ddiolch atynt.



Mae'r Gwasanaethau Caffael yn gobeithio cynnwys y math hwn o waredu samplau mewn tendrau yn y dyfodol, a helpu i roi rhywbeth yn ôl i'r gymuned.



Oeddech chi'n gwybod?

MaebBanciau bwyd Ymddiriedolaeth Trussell, rhwydwaith 400-cryf yn rhoi o leiaf dri diwrnod o fwyd a chefnogaeth i bobl sy'n profi argyfwng yn y DU.

Yn 2014/15, rhoddwyd 1,084,604 cyflenwadau bwyd argyfwng tridiau i bobl mewn argyfwng.

Y newyddion diweddaraf

am Weithredu System Ganolog ar gyfer Hawlio Costau Adleoli ar gyfer Graddau Hyfforddiant Meddygon a Deintyddion

Ar gyfer y flwyddyn ariannol 2015/16, cyhoeddodd Llywodraeth Cymru na fyddai treuliau adleoli i Feddygon a Deintyddion mwyach yn rhan o'r dyraniad cyllid Deoniaeth Cymru i Fyrddau Iechyd ac Ymddiriedolaethau ar gyfer swyddi gradd hyfforddi. Yn hytrach bydd ceisiadau yn cael ei reoli'n ganolog. Er mwyn hwyluso hyn gofynnodd Llywodraeth Cymru i Bartneriaeth Cydwasanaethau GIG Cymru ddatblygu system i alluogi hawlio treuliau adleoli priodol a thaliadau electronig.

Nid oedd y dull hwn yn cael unrhyw effaith ariannol ar yr hyfforddeion eu hunain a oedd yn parhau i allu hawlio'r un lefel o dreuliau fel y diffinnir gan y polisi cenedlaethol (sydd yn cael ei adolygu hyn o bryd).

Mae proses canolog wedi ei ddatblygu i hwyluso nifer o fanteision:

- Un pwynt cyswllt ta waeth pa Fwrdd Iechyd neu Hyfforddeion Ymddiriedolaeth sydd yn cael eu cyflogi ar hyn o bryd gan
- ddatrysiaid treuliau electronig- syml, hygyrch a gwasanaeth cyflym
- Ar ôl proses o sefydlu byr iawn, gallasant ddefnyddio'r cyfrif adleoli trwy gydol eu hyfforddiant (os yn berthnasol)
- rheoli a monitro cyllidebau yn fwy llym
- pwynt gwybodaeth ganolog i randdeiliaid
- cyfleuster adrodd canolog.

Neilltuwyd y cyfrifoldeb am y swyddogaeth newydd i'r Tîm Gwella Gwasanaeth Cyflogres Partneriaeth Cydwasanaethau GIG Cymru a leolir yn Nhŷ'r Cwmnïau ac aethpwyd ati i ddylunio a symleiddio'r broses i gael ei rhoi ar waith ar gyfer Awst 2015. Mae ffurflen gais electronig wedi ei greu ynghyd â siart llif i benderfynu ar hawl i hawlio. Mae llythyr croeso hefyd wedi ei gynnwys er mwyn rhoi trosolwg byr o'r broses newydd.

Rhodddwyd cenadwri i bob adran i gyfarwyddo holl Fyrddau Iechyd a Staffio Meddygol ar sut i roi cyfarwyddyd i gyfeirio unrhyw hawlwr pellach at Bartneriaeth Cydwasanaethau GIG Cymru. Derbyniodd Meddygon ar y Cynllun Hyfforddiant Galwedigaethol Meddyg Teulu'r wybodaeth yn ogystal yn ystod eu diwrnodau cynefino, a gynhelir gan y Cyflogwr Arweiniol Sengl - Partneriaeth Cydwasanaethau GIG Cymru.

Mae'r ymateb wedi bod yn bositif iawn a bu llif cyson o hyfforddeion yn hawlio am dreuliau adleoli drwy'r system newydd.

Mae'r broses newydd wedi bod yn gweithio'n dda iawn a phrin yw'r diwygiadau sydd ei angen i'r ffurflen gais a'r broses diweddariadau. Mis Awst yw'r cyfnod cylchdro mwyaf a hyd yma rydym wedi derbyn

cyfanswm o 390 o geisiadau. Mae'r holl daliadau wedi cael eu prosesu o fewn yr amserlen a gynlluniwyd gyda nifer fechan angen eglurhad neu adolygiad. Ar hyn o bryd yr ydym yn mynd i'r afael â'r cylchdro Chwefror a staff newydd. Mae taliadau yn cynnwys costau adleoli a hawliadau am filltired gormodol. Mae proses drylwyr i sicrhau cydymffurfiaeth a llywodraethu wedi cael ei ddatblygu; bernir hawliadau sydd y tu allan i'r polisi ac yn cael eu craffu eu hamlygu i'r sefydliad perthnasol am benderfyniad mewn partneriaeth ar gymeradwyaeth.

Mae'r system wedi gweithio'n dda ers y dechrau ac rydym wedi cael ymateb cadarnhaol iawn gan hyfforddeion yn enwedig ar ba mor hawdd a sydyn yw'r broses o hawlio drwyddo draw

"Diolch yn fawr am eich cymorth- mae'r broses hon wedi bod yn llawer haws nag y mae fel arfer wrth hawlio treuliau adleoli!"

"Mae'r broses hon wedi bod yn fidiwn gwaith yn well na'r hen ffordd beidio â thrafferthu hawlio oherwydd ni allwn i wynebu y rhwystredigaeth a'r trafferth, ond wrth ddelio gyda chi a'ch tîm mae wedi bod yn hynod syml ac hawdd - felly Diolch."



Cynllun Integredig Tymor Canolig **Partneriaeth Cydwasaethau GIG Cymru** 2016-19 - Ychwanegu Gwerth Drwy Bartneriaeth



Mae ein Cynllun Integredig Tymor Canolig yn disgrifio pwy ydym ni, y cynnydd a wnaed gennym eisoes a beth rydym yn bwriadu ei gyflawni dros y tair blynedd nesaf. Mae'n dangos sut dros y tair blynedd nesaf, byddwn yn parhau i weithio tuag at ein gweledigaeth, i gael ein cydnabod fel gwasanaeth a rennir byd-eang o'r radd flaenaf drwy ragoriaeth ein pobl, gwasanaethau a phrosesau a'n cenhadaeth, i alluogi darparu gwasanaethau cyhoeddus byd-eang o'r radd flaenaf gwsmer canolog yng Nghymru trwy gydweithredu ac arloesi.

Mae GIG Cymru a'r sector cyhoeddus mewn cyfnod o her ariannol lle mae'r galw am wasanaethau yn newid yn gyson. Nid yw'n bosibl mwyach i ddarparu gwasanaethau cyhoeddus o ansawdd drwy wneud yr un pethau yn yr un ffordd. Ni fydd arbedion effeithlonrwydd yn ddigonol, mae angen newid trawsnewidiol.


Mae gan y Bartneriaeth Cydwasaethau GIG Cymru rôl bwysig i'w chwarae wrth gefnogi ffyrdd cydweithredol o weithio i gynyddu effeithlonrwydd a gwella ansawdd.

Roedd 2014/15 yn flwyddyn o gynnydd aruthrol, llawn heri a newid i ni. Rydym wedi gweithredu ar negeseuon allweddol a dderbyniasom drwy ein sgysiau parhaus gyda'n defnyddwyr gwasanaeth, gan osod eu hanghenion yn ganolog i bopeth a wnawn. Mae eisoes yn hysbys ein bod yn ychwanegu gwerth trwy bartneriaeth gan ddatblygu, gwella ac ehangu ein gwasanaethau i ddiwallu anghenion ein defnyddwyr gwasanaeth.

Dros y tair blynedd nesaf a thu hwnt byddwn yn parhau i gefnogi Byrddau Iechyd ac Ymddiriedolaethau fodloni'r agenda gofal iechyd yn ddoeth ac yn darparu i Gymry'r gofal gorau posibl o'r adnoddau sydd ar gael.

Fel sefydliad Cymru gyfan rydym mewn sefyllfa unigryw i gyflawni effeithlonrwydd a lleihau amrywiad trwy safoni, moderneiddio a chydweithio. Drwy gydweithio â phob un o'n rhanddeiliaid byddwn yn sicrhau newid ac arloesedd a fydd yn cael effaith barhaol ar y GIG yng Nghymru.

Mae Partneriaeth Cydwasaethau GIG Cymru eisoes wedi dangos cynnydd sylweddol o ran cyflawni ein blaenoriaethau allweddol ac mae ein cynllun yn dangos sut y byddwn yn parhau i gyflawni'r gwelliannau pellach sydd eu hangen. Mae'r nodau yr ydym wedi ymrwymo iddynt yn y cynllun yn heriol, ond rydym yn hyderus bod gennym yr ymroddiad a'r gallu i'w cyflawni.



Penblwydd Hapus yn 5 oed Partneriaeth Cydwasaethau GIG Cymru!

Lansiwyd Partneriaeth Cydwasaethau GIG Cymru ar 1af Ebrill 2011 ac mae wedi tyfu, esblygu a gwella dros y 5 mlynedd diwethaf i ddod yn ddarparwr proffesiynol o wasanaethau cymorth i'r GIG yng Nghymru. Mae llawer i'w ddathlu a bydd y rhifyn nesaf o "Mewn Partneriaeth" yn dathlu'r llwyddiannau a wnaethpwyd ac archwilio'r daith ymlaen.

I weld ein cynllun ewch i:
www.nwssp.wales.nhs.uk

Cynllun Integredig Tymor Canolig **Partneriaeth Cydwasaethau GIG Cymru** 2016-19 - Ychwanegu Gwerth Drwy Bartneriaeth

Blaenoriaethau allweddol ar gyfer gweithredu dros y tair blynedd nesaf

Mae ein blaenoriaethau allweddol yn adeiladu ar ein llwyddiannau cychwynnol. Dros y tair blynedd nesaf byddwn yn canolbwyntio ar gamau gweithredu sy'n gwella profiadau defnyddwyr ein gwasanaeth, ansawdd ein gwasanaethau a helpu sefydliadau i gyflwyno eu blaenoriaethau.

Gwerth am Arian



Amsugno ein costau a sicrhau £4.5m o arbedion uniongyrchol ar gyfer ailddosbarthu i GIG ac i ail-fuddsoddi yn ein gwasanaethau, gan gynnwys:

- Caffael, cyfrifon taladwy a recriwtio er mwyn gwella ansawdd a bodloni'r galw
- Rheoli prosiectau, TG a chynhwysedd dadansoddi data
- Rheoli gwybodaeth ac adnoddau Iaith Gymraeg.

Darparu buddion dylanwad proffesiynol dros £100m

Diogleu buddsoddiad **cyfalaf** £3.7m mewn technoleg, systemau ac isadeiledd

Ein Cwsmeriaid



Datblygu **ymgysylltu** a **chyd-gynhyrchu** i wella ansawdd a phrofiad y defnyddiwr

Trowch ein data yn **wybodaeth deallus** i gefnogi'r agenda ansawdd a diogelwch y GIG yng Nghymru. Arwain a hwyluso **blaenoriaethau GIG** e.e

- Comisiynu arweinir clinigol a chaffael darbodus
- Comisiynu addysg anfeddygol
- Moderneiddio'r gweithlu
- Dylunio arfer orau.

Datblygu Gwasanaethau



Parhau â'n buddsoddiad mewn technoleg, gan gynnwys:

- Gwella ERS
- Trac (Tracio recriwtio staff)
- Systemau rheoli cyswllt defnyddwyr gwasanaethau
- Cleric (olrhain cyflwyno GGI)
- Negeseuon awtomataidd dosbarthu presgripsiwn
- Sganio dogfen deallus.

Darparu **Partneriaeth Cydwasaethau newydd** i GIG Cymru a'r sector cyhoeddus ehangach; meysydd yn cynnwys arlwy a golchi dillad o bosib.

Ein Staff



Gwella **recriwtio, cadw a chynllunio olyniaeth** ein staff.

Datblygu arweinyddiaeth, arloesedd a newid sgiliau a chynhwysedd.

Rhangoriaeth



Gweithio gyda Chyfarwyddwyr Cyllid a Gweithlu i ddatblygu systemau gorau byd-eang trwy Gyrru Rhangoriaeth; ein blaenoriaethau cychwynnol yw:

- Prynu i Dalu
- Hurio i Ymddeol
- Cofnod i Adrodd.

Cyflwyno prosesau **meincnodi a pherfformiad** mwy soffistigedig.

Am fwy o wybodaeth cysylltwch â Marie-Claire Griffiths
Ebost : Marie-Claire.Griffiths@wales.nhs.uk

Dyluniwyd a chynhyrchwyd gan Bartneriaeth
Cydwasaethau GIG Cymru
Tîm Dylunio Graffig

Os oes gennych unrhyw eitemau newyddion
i'w cynnwys mewn rhifyn "Mewn Partneriaeth",
cysylltwch â
Nathan Williams, Swyddog e- Gyfathrebu

E-bost: Nathan.Williams@Wales.nhs.uk
Ffôn: 01443 848537